



Broj: 10-05-20078-1/11  
Sarajevo, 13.07.2011.

**SKUPŠTINA KANTONA SARAJEVO**  
**-Služba za skupštinske poslove-**

**PREDMET** : Odgovor na poslaničko pitanje

**Poslanik Sabahudin Hodžić, na** Četvrtoj Radnoj sjednici Skupštine Kantona Sarajevo, održanoj dana 31. 05. 2011 godine, u okviru tačke Dnevnog reda „Poslanička pitanja, inicijative i odgovori“, **postavio je pitanje:**

„Postoje li propisane procedure za liste čekanja za ultrazvučne dijagnostičke i terapijske usluge ambulantnih pacijenata , a ukoliko nemaju bilo bi uputno propisati ih budući građani jako dugo čekaju na ovu medicinsku intervenciju“.

U vezi sa postavljenim poslaničkim pitanjima dostavljamo slijedeći:

**ODGOVOR**

**JU Dom zdravlja Kantona Sarajevo** - u službi za Rtg ultrazvučnu dijagnostiku radi 8 specijalista dijagnostike, što je nedostavno da bi pokrili sve potrebe naših građana. Od navedenog broja 4 radiologa imaju tešku dijagnozu i svaki trenutak mogu otići na bolovanje, a iz istog razloga veoma često odsustvuju. Takođe u vrijeme godišnjih odmora službe rade sa minimalnim kadrovskim kapacitetima.

Ministarstvo zdravstva je u saradnji sa Zavodom zdravstvenog osiguranja Kantona Sarajevo obezbijedilo dopunski rad radiologa u ustanovi u trajanju od 2 sata dnevno. Stim u vezi čekanje pacijenata na pregled su svedena na minimum (7 dana).

Što se tiče procedure za naručivanje pacijenata postoji u zavisnosti od vrste pregleda koji je potrebno uraditi, naime hitni slučajevi koji su naglašeni od strane porodičnog ljekara primaju se odmah, ili u toku dana, ultrazvučni pregled djece, takođe spada u prioritet.

Za pojedine ultrazvučne preglede potrebno je uraditi određene pripreme pacijenata, i takvi pacijenti se naručuju u zavisnosti od slobodnih termina.

**Opća bolnica „Prim.dr Abdulah Nakaš“Sarajevo** – zbog nedostatka kadra i medicinske opreme određene dijagnostičke i terapijske ambulantne usluge nije moguće pružiti odmah pacijentima , uspostavljena je lista čekanja. Listom čekanja obezbjeđuje se jednakost pacijenata u pružanju zdravstvenih usluga vodeći računa o zdravstvenom stanju pacijenta i vremenu upućivanja.

Na listu čekanja uvrštavaju se pacijenti čije zdravstveno stanjenje ne zahtjeva hitno pružanje zdravstvenih usluga odnosno koji na uslugu treba da čekaju duže od 15 dana od dana javljanja. Liste čekanja vode se elektronski i na pojedinim kabinetima na propisanim obrascima.

U toku je izrada programa i do kraja godine specijalističko-konsultativna zdravstvena zaštita u bolnici bit će uvezana elektronski. Propisanim procedurama liste čekanja za ambulantne, dijagnostičke i terapijske usluge regulisano je područje primjene , distribucije i nadzora, uslovi

za uspostavljanje liste čekanja , vođenje liste čakanja, uvrštavanje pacijenataa na listu čakanja , očitavanje liste čekanja, te isticanje i revizija liste čekanja.

**KCUS** – na O.J. Klinici za radiologiju ne postoje liste čekanja za dijagnostički ultrazvučni pregled. Naime, najveći dio UZ usluga odnosi se na hospitalizirane pacijente. Ambulantni pacijenti obavljaju UZ pregled na Klinici za radiologiju samo u specifičnim slučajevima kao što su: muskuloskeletni ultrazvuk, kolor dopler, pedijatrijski ultrazvuk i UZ pregled kukova djece. Takođe ni za ove pacijente ne postoje liste čakanja , te im nisu potrebne pisane procedure za liste čekanja dijagnostičkog ultrazvučnog pregleda.

**MINISTAR**

**Prim. dr Zlatko Vuković**



**web:** <http://mz.ks.gov.ba>  
**e-mail:** [minzdrav@ks.gov.ba](mailto:minzdrav@ks.gov.ba)  
Tel: + 387 (0) 33 562-104, Fax: + 387 (0) 33 562-243  
Sarajevo, Reisa Džemaludina Čauševića 1

